



Qeveria e Republikës së Maqedonisë së Veriut
- KRYEMINISTRI -

I nderuar ministër Bekteshi,

Në zgjedhjet parlamentare të cilat u mbajtën më 15 korrik të vitit 2020, qytetarët e Republikës së Maqedonisë së Veriut zgjodhën që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanak në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive brenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës „ministër“ gjendet shërbimi, kujdesi dhe ndihma për qytetarët. Ju, si ministër, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t'u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që agjendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t'i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t'i pranoj dhe t'i kuptoj të gjitha idetë dhe iniciativat që vijnë nga opinioni publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna e juaj çdo ditë do të ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sinqertë se sa Ju. Vetëm kështu është e drejtë dhe e ndershme para



Qeveria e Republikës së Maqedonisë së Veriut
- KRYEMINISTRI -

fjalës që ua kemi dhënë qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime kadrovike. Analizën metodologjike të realizimit të detyrave dhe punës suaj të përgjithshme do ta bëjmë çdo fundvit.

Duke ju nominuar juve për ministër në Kuvendin e Republikës së Maqedonisë së Veriut, isha i bindur se mund të llogaris në përgjegjësinë dhe përkushtimin tuaj të plotë në kryerjen e detyrave. Pikërisht për këtë, pres rezultate të menjëhershme. Qytetarët kanë pritje, ndërsa Ju jeni në pozicion që të bëni gjithçka që është e nevojshme që Qeveria të realizojë pritjet e qytetarëve.

Qeveria do të udhëheqë një politikë ekonomike që synon zhvillimin e inovacionit dhe investimeve në zhvillimin teknologjik si mundësi për transformimin e dëshiruar në ekonomi. Ekonomia e tillë krijon më shumë vlerë të shtuar, i zhvillon burimet njerëzore dhe siguron produktivitet më të lartë dhe paga më të larta. Në këtë mandat, do të përqendrohëm veçanërisht në ekonomi, shtetin e së drejtës dhe reformën institucionale. Programi ynë në fushat ekonomike është veçanërisht voluminoz dhe nga Ju si ministër kam shumë pritje.

Më konkretisht, pres nga Ju:

- Nivelin e papunësisë gjatë krizës ta mbani të qëndrueshme, ndërsa pas përfundimit të krizës dhe deri në fund të mandatit do të vazhdojmë të ulim papunësinë me 3% në vit, siç kemi bërë në tre vitet e fundit. Qëllimi ynë, pas përfundimit të krizës, do të jetë papunësia njëshifrore;
- Në bashkëpunim me Qeverinë dhe institucionet kompetente, të vazhdoni me zbatimin e Planit për rritje ekonomike;
- Të bashkëpunoni me ministrin e financave për formimin e një fondi të veçantë të kapitalit në vitin 2020, i cili do të jetë një nxitje e konsiderueshme për hyrjen e fondeve të investimeve të huaja, si pjesë e Planit për rritjes ekonomike;
- Të mundësohet themelimi i një kompanie me një shumë minimale të kapitalit aksionar prej 1 euro. Me këtë masë, qytetarët do të kenë mundësinë të themelojnë kompani me kosto minimale dhe të realizojnë idetë dhe planet e tyre të biznesit përmes ndërmarrjeve të sapohapura;
- Të zvogëloni shpenzimet dhe procedurat administrative për marrjen e dokumentacionit ligjor për nevojat e biznesit (dokumente nga Regjistri qendror, dogana, dokumentacioni për pjesëmarrje në tenderë dhe institucione të tjera shtetërore);
- Të mbështesni Ministrinë e Financave për të ulur detyrimet parafiskale deri në 75% dhe nivelimin e tyre sipas madhësisë së subjekteve ekonomike, përmes dialogut me odat ekonomike. Do të përpiloni regjistër të detyrave parafiskale që do të përditësohet dhe plotësohet rregullisht, në mënyrë që



Qeveria e Republikës së Maqedonisë së Veriut
- KRYEMINISTRI -

kompanitë të kenë qasje në çdo kohë dhe të jenë në gjendje të planifikojnë siç duhet aktivitetet e tyre financiare;

- Së bashku me ministrin e financave të përgatisni ligj të posaçëm për engjëjt e biznesit dhe ndryshimet në ligjin për fondet e investimeve, me të cilin dukshëm do të ulim kufizimet për krijimin e fondeve të investimeve;
- Deri në fund të vitit 2020, të përfundohet procesi i analizës dhe rekomandimeve për forcimin e mëtejshëm të Fondit për Inovacion dhe Zhvillim Teknologjik, transformimin e tij dhe sigurim të qëndrueshmërisë së mekanizmave të vendosura për mbështetje dhe rezultate në afat të mesëm dhe gjatë. Me këtë proces do të mundësohet hyrje e fondeve të investimeve të huaja si partnerë strategjik të Fondit në mbështetje të rritjes ekonomike, i bazuar në inovacion dhe futjen e teknologjive të reja;
- Në bashkëpunim me Qeverinë, të vazhdojë investimi në parkun e shkencës dhe teknologjisë që filloi me operacione në mars të vitit 2019 me qëllim që ai të jetë plotësisht funksional në vitin 2025;
- Të kontribuoni që Maqedonia e Veriut të bëhet përshpejtues fillestar rajonal për start up me që do të bëhemi qendër për zhvillim të bizneseve të reja për sipërmarrësit e rinj, me potencial për rritje të shpejtë. Me implementimin e përshpejtuesit rajonal, brenda 6 muajve nga shpallja e thirrjes së parë, do të zgjerohet përfshirja e aplikantëve edhe në vendet e Ballkanit Perëndimor. Qëllimi përfundimtar është të sigurohet zgjerimi i tregut "fillestar" nga 2 në 17 milion konsumatorë;
- Në Fshatin Maqedonas, të formoni "Fshat Start-up" (Start-up Village) i cili do të ofrojë mundësi për shumë të rinj nga vendi dhe jashtë vendit për të hapur biznes pa pasur nevojë të paguajnë shpenzimet e sipërme. Ideja është këtë lokacion ta shndërrojmë në një destinacion tërheqës për nomadët digjital;
- Të zbatoni planin ambicioz deri në vitin 2024 mbi 50% të fuqisë elektrike totale të instaluar në vendin tonë të jetë nga burime të ripërtëritshme të energjisë. Të forcojmë pavarësinë dhe stabilitetin tonë energjetik me kapacitete prodhuese të reja të energjisë elektrike dhe ndërlydhje të reja energjetike me fqinjët tanë;
- Të modernizoni dhe transformoni TEC Negotino, në impiant-makineri që do të përdorë gaz natyror dhe do të ofrojë mundësi për rritje të prodhimit bujqësor;
- Të mundësoni instalim të termocentraleve fotovoltaike 400 MW në sistemin e vendas të energjisë, të cilat do të prodhojnë energji elektrike të pastër në një nivel prej rreth 560 GWh (ose rreth 10% të prodhimit të përgjithshëm vendas);
- Të mundësoni instalim të termocentraleve me erë me fuqi prej 160 MW shtesë;
- Të zbatoni politikën tonë për transformimin e energjisë shtetërore, me të cilën çdo qytetar i yni do të fitojë mundësi të jetë prodhues i energjisë dhe natyrisht shfrytëzues i energjisë së pastër ekologjike dhe më të lirë.

Të zbatoni aktivitete të tjera në përputhje me zotimet dhe Programin e Qeverisë së Republikës së Maqedonisë së Veriut 2020 – 2024



Qeveria e Republikës së Maqedonisë së Veriut
- KRYEMINISTRI -

Njëkohësisht, si ministër i ekonomisë në Qeverinë e Republikës së Maqedonisë së Veriut, nga Ju pres:

- Të jeni gardiani i parë i Kushtetutës dhe ligjeve dhe të siguroni që Ministria e Ekonomisë përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet do të zbatohen njëjtë për të gjithë;
- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;
- Të siguroni që Ministria e Ekonomisë të përgjigjet në kohë, në mënyrë të drejtë, efikase dhe efektive të zgjidh çështjet dhe procedurat e qytetarëve dhe personave juridik, duke justifikuar dhe fituar besimin e qytetarëve dhe të opinionit publik;
- Të vazhdoni zbatimin dhe përmirësimin e politikave të transparencës dhe llogaridhënies;
- Të jeni i hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;
- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat, shëndet dhe mandat të suksesshëm.

Sinqerisht i juaji,
Zoran ZAEV



Qeveria e Republikës së Maqedonisë së Veriut
- KRYEMINISTRI -

Ministër i ekonomisë në Republikën e Maqedonisë së Veriut
Kreshnik BEKTESHI